

Broj: 03-34-26/2016  
Sarajevo, 5.12.2016. godine

**PARLAMENT FEDERACIJE  
BOSNE I HERCEGOVINE**

- Predstavnički / Zastupnički dom -  
gosp. Edin Mušić, predsjedavajući
- Dom naroda -  
gđa Lidija Bradara, predsjedavajuća

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primitjeno: 07-12-2016			
Org. jed.	Broj	Prilog	Vrijednost
01,02	- 17 -	2221	16

20x

Poštovani,

Na osnovu člana 24. stav (6) i (7) Zakona o električnoj energiji u Federaciji Bosne i Hercegovine („Službene novine Federacije BiH“, br. 66/13 i 94/15), a u vezi sa odredbom člana 152. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08) i člana 143. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), u prilogu Vam dostavljam:

1. Rješenje o utvrđivanju Liste prijedloga za imenovanje članova Regulatorne komisije za energiju u Federaciji Bosne i Hercegovine, V. broj: 2004/2016 od 10.11.2016. godine,
2. Saglasnost predsjednika Federacije Bosne i Hercegovine, broj: 01-02-606-01/16 od 22.11.2016. godine,
3. Saglasnost potpredsjednika Federacije Bosne i Hercegovine, broj: 03-01-3-363-4/16 od 24.11.2016. godine i
4. Saglasnost potpredsjednice Federacije Bosne i Hercegovine, broj: 02-17-19-19/16 od 28.11.2016. godine

Gore navedeno Rješenje se dostavlja na službenim jezicima i pismima Federacije Bosne i Hercegovine.

S poštovanjem,



Prilog: -kao u tekstu

- Biografija gosp. Jasmina Beše
- Biografija gđe Sanele Pokrajčić
- Biografija gosp. Mile Srdanovića

**Co: Federalno ministarstvo energije, rudarstva i industrije  
gosp. Nermin Džindić, ministar**

Na osnovu člana 19. stav (3) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 77. sjednici, održanoj 10.11.2016. godine, d o n o s i

**RJEŠENJE**  
**O UTVRĐIVANJU LISTE PRIJEDLOGA ZA IMENOVANJE ČLANOVA REGULATORNE**  
**KOMISIJE ZA ENERGIJU U FEDERACIJI BOSNE I HERCEGOVINE**

**I.**

Utvrđuje se Lista prijedloga za imenovanje članova Regulatorne komisije za energiju u Federaciji Bosne i Hercegovine, kako slijedi:

- Jasmin Bešo, predlaže se za imenovanje jednog člana Regulatorne komisije za energiju u Federaciji Bosne i Hercegovine iz reda bošnjačkog naroda, na mandatni period od pet godina

- Sanela Pokrajčić, predlaže se za imenovanje jednog člana Regulatorne komisije za energiju u Federaciji Bosne i Hercegovine iz reda hrvatskog naroda, na mandatni period od pet godina

- Mile Srdanović, predlaže se za imenovanje jednog člana Regulatorne komisije za energiju u Federaciji Bosne i Hercegovine iz reda srpskog naroda, na mandatni period od pet godina.

**II.**

Na listu prijedloga za imenovanje članova Regulatorne komisije za energiju u Federaciji Bosne i Hercegovine, prije upućivanja Parlamentu Federacije Bosne i Hercegovine na imenovanje, prethodnu saglasnost daju predsjednik i potpredsjednici Federacije Bosne i Hercegovine.

**III.**

Ovo rješenje stupa na snagu danom donošenja i objavit će se u „Službenim novinama Federacije BiH“.

V. broj: 2004/2016  
10.11.2016. godine  
Sarajevo



**PREMIJER**

**Fadil Novalic**

Na temelju članka 19. stavak (3) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 77. sjednici, održanoj 10.11.2016. godine, d o n o s i

**RJEŠENJE**  
**O UTVRĐIVANJU LISTE PRIJEDLOGA ZA IMENOVANJE ČLANOVA**  
**REGULATORNOG POVJERENSTVA ZA ENERGIJU U FEDERACIJI BOSNE I**  
**HERCEGOVINE**

**I.**

Utvrđuje se Lista prijedloga za imenovanje članova Regulatornog povjerenstva za energiju u Federaciji Bosne i Hercegovine, kako slijedi:

- Jasmin Bešo, predlaže se za imenovanje jednog člana Regulatornog povjerenstva za energiju u Federaciji Bosne i Hercegovine iz reda bošnjačkog naroda, na mandatno razdoblje od pet godina

- Sanela Pokrajčić, predlaže se za imenovanje jednog člana Regulatornog povjerenstva za energiju u Federaciji Bosne i Hercegovine iz reda hrvatskog naroda, na mandatno razdoblje od pet godina

- Mile Srdanović, predlaže se za imenovanje jednog člana Regulatornog povjerenstva za energiju u Federaciji Bosne i Hercegovine iz reda srpskog naroda, na mandatno razdoblje od pet godina.

**II.**

Na listu prijedloga za imenovanje članova Regulatornog povjerenstva za energiju u Federaciji Bosne i Hercegovine, prije upućivanja Parlamentu Federacije Bosne i Hercegovine na imenovanje, prethodnu suglasnost daju predsjednik i dopredsjednici Federacije Bosne i Hercegovine.

**III.**

Ovo rješenje stupa na snagu danom donošenja i objavit će se u „Službenim novinama Federacije BiH“.

V. broj: 2004/2016  
10.11.2016. godine  
Sarajevo

**PREMIJER**  
  
**Fadil Novalić**



На основу члана 19. став (3) Закона о Влади Федерације Босне и Херцеговине („Службене новине Федерације БиХ“, бр. 1/94, 8/95, 58/02, 19/03, 2/06 и 8/06), Влада Федерације Босне и Херцеговине, на 77. сједници, одржаној 10.11.2016. године, д о н о с и

**РЈЕШЕЊЕ**  
**О УТВРЂИВАЊУ ЛИСТЕ ПРИЈЕДЛОГА ЗА ИМЕНОВАЊЕ ЧЛАНОВА**  
**РЕГУЛАТОРНЕ КОМИСИЈЕ ЗА ЕНЕРГИЈУ У ФЕДЕРАЦИЈИ БОСНЕ И**  
**ХЕРЦЕГОВИНЕ**

**I**

Утврђује се Листа приједлога за именовање чланова Регулаторне комисије за енергију у Федерацији Босне и Херцеговине, како слиједи:

- Јасмин Бешо, предлаже се за именовање једног члана Регулаторне комисије за енергију у Федерацији Босне и Херцеговине из реда бошњачког народа, на мандатни период од пет година

- Санела Покрајчић, предлаже се за именовање једног члана Регулаторне комисије за енергију у Федерацији Босне и Херцеговине из реда хрватског народа, на мандатни период од пет година

- Миле Срдановић, предлаже се за именовање једног члана Регулаторне комисије за енергију у Федерацији Босне и Херцеговине из реда српског народа, на мандатни период од пет година.

**II**

На листу приједлога за именовање чланова Регулаторне комисије за енергију у Федерацији Босне и Херцеговине, прије упућивања Парламенту Федерације Босне и Херцеговине на именовање, претходну сагласност дају предсједник и потпредсједници Федерације Босне и Херцеговине.

**III**

Ово рјешење ступа на снагу даном доношења и објавиће се у „Службеним новинама Федерације БиХ“.

В. број: 2004/2016  
10.11.2016. године  
Сарајево



**ПРЕМИЈЕР**  
*[Signature]*  
**Фадил Новалић**

**BOSNA I HERCEGOVINA  
FEDERACIJA BOSNE I HERCEGOVINE  
PREDSJEDNIK**

*Sarajevo, Ul. Musala 9, tel./fax. +38733 206-656,206-657,206-658 ured@predsjednikbih.gov.ba,www.predsjudnikbih.gov.ba*

Temeljem članka 24. stavak 6. Zakona o električnoj energiji u Federaciji Bosne i Hercegovine, („Službene novine Federacije BiH broj: 66/13), a u svezi Rješenja o utvrđivanju liste prijedloga za imenovanje članova Regulatornog povjerenstva za energiju u Federaciji Bosne i Hercegovine, koje je donijela Vlada Federacije Bosne i Hercegovine, broj: V. broj: 2004/2016 od 10.11.2016. godine, **dajem**

**SUGLASNOST**

na Rješenje, listu prijedloga za imenovanje članova Regulatornog povjerenstva za energiju u Federaciji BiH, kako slijedi:

**Jasmin Bešo** – iz reda bošnjačkog naroda, za člana Regulatornog povjerenstva za energiju u Federaciji Bosne i Hercegovine.

**Sanela Pokrajčić** – iz reda hrvatskog naroda, za člana Regulatornog povjerenstva za energiju u Federaciji Bosne i Hercegovine.

**Mile Srdanović** – iz reda srpskog naroda, za člana Regulatornog povjerenstva za energiju u Federaciji Bosne i Hercegovine.



Broj: 01-02-606-01/16

Sarajevo, 22.11.2016. godine

Dostaviti :

1. Potpredsjednica Federacije BiH
2. Potpredsjednik Federacije BiH
- ③ Vlada Federacije Bosne i Hercegovine
4. Pismohrana



11027/16

Broj:03-01-3-363-4/16  
Sarajevo, 24.11.2016. godine.

PP	24.11.2016
Organizacioni broj	
03-39-221	2014

Na osnovu člana 24. stav 6. Zakona o električnoj energiji u FBiH (Službene novine Federacije BiH br: 66/13), a u vezi Rješenja o utvrđivanju liste prijedloga za imenovanje članova Regulatorne komisije za energiju u FBiH, koje je donijela Vlada FBiH, broj: V. broj 2004/2016 od 10.11.2016 godine, **dajem**

**S A G L A S N O S T**

na Rješenje, listu prijedloga za imenovanje članova Regulatorne komisije za energiju u Federaciji BiH, kako slijedi:

**Jasmin Bešo** – iz reda bošnjačkog naroda, za člana Regulatorne komisije za energiju u Federaciji Bosne i Hercegovine

**Sanela Pokrajčić** – iz reda hrvatskog naroda, za člana Regulatorne komisije za energiju u Federaciji Bosne i Hercegovine

**Mile Srdanović** – iz reda srpskog naroda, za člana Regulatorne komisije za energiju u Federaciji Bosne i Hercegovine



Dostaviti:

- a) Predsjednik Federacije BiH
- b) Potpredsjednica Federacije BiH
- c) Vlada Federacije BiH
- d) Arhivi

*Potpredsjednik*

*Vice-President*

Na osnovu člana 24. stav (6) Zakona o električnoj energiji („Službene novine Federacije BiH“ broj 66/13, 94/15) a u vezi sa Rješenjem o utvrđivanju liste prijedloga za imenovanje članova Regulatorne komisije za energiju u Federaciji Bosne i Hercegovine, koje je donijela Vlada Federacije Bosne i Hercegovine, broj: V. broj: 2004/2016 od 10.11.2016. godine. d a j e m

### SAGLASNOST

na Rješenje - Listu prijedloga za imenovanje članova Regulatorne komisije za energiju u Federaciji Bosne i Hercegovine, kako slijedi:

**Jasmin Bešo** - za imenovanje člana Regulatorne komisije za energiju u Federaciji Bosne i Hercegovine iz reda bošnjačkog naroda;

**Sanela Pokrajčić** - za imenovanje člana Regulatorne komisije za energiju u Federaciji Bosne i Hercegovine iz reda hrvatskog naroda

**Mile Srdanović** - za imenovanje člana Regulatorne komisije za energiju u Federaciji Bosne i Hercegovine iz reda srpskog naroda.



Potpredsjednik  
Federacije Bosne i Hercegovine  
Melika MAHMUTBEGOVIĆ

n/r Predsjednik Federacije BiH, gospodin Marinko Čavara

n/r Potpredsjednica Federacije BiH, gospođa Melika Mahmutbegović

n/r Potpredsjednik Federacije BiH, gospodin Milan Dunović

Bosna i Hercegovina  
FEDERACIJA BOSNE I HERCEGOVINE  
POTPREDSJEDNIK FEDERACIJE  
SARAJEVO

Priljeno:	22. 11. 2016.		
Organizaciona jedinica:	Klasifikaciona oznaka:	Redni broj:	Broj prijega:
02	17	9-16	-

Poštovani,

Predsjedniče FBiH, Potpredsjednice FBiH i Potpredsjedniče FBiH

u Javnom oglasu za utvrđivanje prijedloga jednog kandidata za člana Regulatorne komisije za energiju u Federaciji BiH koji je pored dnevnih novina objavljen i u Službenim novinama Federacije BiH broj 68/16 dana 31.08.2016. godine, u tački IV. (Prijave kandidata treba da sadrže kraću biografiju, adresu i kontakt telefon) dostavio sam kraću biografiju, adresu i kontakt telefon. Uz prijavu dostavio sam svu traženu dokumentaciju (diplomu o završenoj visokoj stručnoj spremi, uvjerenje o državljanstvu (ne starije od 6 mjeseci), obavještenje o evidenciji prebivališta (CIPS) i kopiju lične karte; uvjerenje o posjedovanju potrebnog iskustva; ovjerenu izjavu o ispunjenju opštih kriterija iz tačke II alineja 2. i 3. predmetnog Javnog oglasa i ovjerenu izjavu o ispunjavanju posebnih kriterija iz tačke III alineja 3. do 15. predmetnog Javnog oglasa.

Dokazi iz opštih i posebnih kriterija sam dokazao dodatnom dokumentacijom koju sam dostavio uz „Prijava na javni oglas – Regulatorna komisija za energiju u Federaciji BiH – kandidat iz reda bošnjačkog naroda, ne otvarati“.

Mišljenja sam da Vam pored kraće biografije koju sam dostavio u sklopu „Prijava na javni oglas – Regulatorna komisija za energiju u Federaciji BiH – kandidat iz reda bošnjačkog naroda, ne otvarati“, dostaviti i dodatne informacije koje su argumentovane dokumentima.

Ime i prezime: **BEŠO (RAGIB) JASMIN**  
Adresa: Ulica XVI br. 44, 88 000 Mostar, Bosna i Hercegovina  
Telefon: Mobilni: +38761627796  
e-mail: [l.beso@ferk.ba](mailto:l.beso@ferk.ba)  
Nacionalnost: Bošnjak  
Datum rođenja: 11.11.1967.  
Mjesto rođenja: Mostar  
Bračno stanje: oženjen  
Broj djece: jedno dijete

Osnovnu i srednju (Gimnazija Aleksa Šantić) završio sam u Mostaru. U srednjoj školi bio sam smjer „programer“ i stekao sam znanje iz viših programskih jezika FORTRAN i COBOL. Poslije završene srednje škole upisao sam se na Elektrotehnički fakultet u Sarajevu. Vojni rok sam odslužio u Nišu, kasarna Bubanjski heroji.



Elektrotehnički fakultet sam poslije rata nastavio u Sarajevu i Diplomom o završenoj studiji za sticanje visoke stručne spreme na Elektrotehničkom fakultetu u Sarajevu stekao sam 16.06.2003. godine i moj stručni naziv je: diplomirani inženjer elektrotehnike – odsjek za elektroenergetiku.

- Strani jezici:** - u srednjoj školi sam učio ruski jezik (2 godine) i engleski jezik (dvije godine)
- na fakultetu sam položio engleski jezik (fakultativno obrazovanje)
  - samostalno sam naučio njemački jezik

Nakon završenog fakulteta zaposlio sam se u Institutu zaštite d.o.o. Mostar u kojem sam radio na raznim projektima vezanim za ispitivanje električnih instalacija, ispitivanje sistema za gašenje požara, izrada elektro projekta, snimanje termovizijskom kamerom energetskih objekata i razvodnih ormara, te sačinjavanje raznih izvještaja i atesta u skladu sa Zakonom o zaštiti na radu i Zakonom o zaštiti od požara.

Od **11.02.2004. godine – 08.01.2008. godine** obavljao sam funkciju direktora Instituta zaštite d.o.o. Mostar i obavljao poslovodne funkcije zastupajući Društvo u odnosima s trećim osobama; organizovao i rukovodio procesom rada i poslovanja Društva; odlučuje o zapošljavanju, raspoređivanju i prestanku rada radnika u skladu s utvrđenim planom zaposlenosti, sklapao ugovore o radu te odlučivao o pravima i obvezama iz radnog odnosa u skladu s propisima i općim aktima Društva i pregledavao i ovjeravao razne akte Društva (Projekte, Studije, Elaborate, Ateste i drugo) iz okvira djelatnosti društva. (Šifra djelatnosti: naučno-istraživačka djelatnost).

Od **08.01.2008. godine – 22.01.2016. godine** radio sam u Regulatornoj komisiji za električnu energiju u Federaciji BiH – FERK na poziciji „**Specijalista za proizvodnju djelatnost**“ u Sektoru za licence gdje sam obavljao sve poslove vezani iz nadležnosti FERK-a određenih Zakonom o električnoj energiji u Federaciji Bosne i Hercegovine („Službene novine Federacije BiH“, broj 66/13 i 94/15) i Zakonom o korištenju obnovljivih izvora energije i efikasne kogeneracije („Službene novine Federacije BiH“, broj 70/13 i 5/14) osvrćući se posebno na analizu nacrti i prijedloga zakona i podzakonskih akata vezanih za energetski sektor, izrada kriterija i uslova za izdavanje dozvola za rad za obavljanje djelatnosti proizvodnja električne energije, razmatranje i analiziranje zahtjeva za izdavanje dozvola za rad FERK-a, formulisanje preporuka i savjeta iz oblasti energetskog sektora vezano za proizvodne objekte, sisteme podsticanja korištenja OIEIEK, izračun feed-in tarifa i određivanje referentne cijene otkupa električne energije, analiziranje planova izgradnje distributivne mreže, izrada raznih baza podataka vezanih za proizvodnu djelatnost i drugo.

Od **22.01.2016. godine do danas** obavljam funkciju **v.d. član Regulatorne komisije za energiju u Federaciji BiH** i aktivno učestvujem u donošenju svih odluka analizirajući sve akte FERK-a koji su upućivani na interni sastanak i redovnu sjednicu FERK-a urađeni u skladu sa nadležnostima FERK-a određenih **Zakonom o električnoj energiji u Federaciji Bosne i Hercegovine** („Službene novine Federacije BiH“, broj 66/13 i 94/15), **Zakonom o korištenju obnovljivih izvora energije i efikasne kogeneracije** („Službene novine Federacije BiH“, broj 70/13 i 5/14) i **Zakonom o naftnim derivatima u Federaciji Bosne i Hercegovine** („Službene novine Federacije BiH“, broj 52/14).

Isto tako, početkom 2016. godine, na III internom sastanku učestvovao sam u Razmatranju završnog obračuna FERK-a za 2015. godinu (Zabilješke novčana sredstva, potraživanja, razgraničenja, stalna sredstva, kratkoročne tekuće obaveze, kratkoročna razgraničenja, izvori sredstava, Obrasci\_PR, NT, KIF i GIB; Zabilješka\_Analitika prihoda i Analitika rashoda i dr.). izradi godišnjeg izvještaja za period od 01.01.2015. – 31.12.2015.godine, kako izradi tekstualnog dijela godišnjeg izvještaja tako i

popunjavanju sljedećih propisanih obrazaca, a koje je bilo moguće popuniti u skladu sa knjigovodstvom FERK-a: 1. Obrazac BS – Bilans stanja, 2. Obrazac PR – Račun prihoda i rashoda, 3. Obrazac NT – Izvještaj o novčanim tokovima, 4. Obrazac KIF – Izvještaj o kapitalnim izdacima i finansiranju, 5. Obrazac GIB – Godišnji izvještaj o izvršenju budžeta, 6. Posebni podaci o plaćama i broju zaposlenih, 7. Pomoćni obrazac A – Stalna sredstva u obliku stvari i prava sa stanjem 31.12.2014, 8. Pomoćni obrazac C – Ostali finansijski podaci potencijalne obaveze sa stanjem 31.12.2014, 9. Obrazac INV-01 – Godišnji izvještaj o investicijama u 2015. godini, 10. Obrazac ZS – Izvještaj o obračunatom i uplaćenom posebnom porezu za zaštitu od prirodnih i drugih nesreća, 11. Pomoćni obrazac B (ostala dugotrajna imovina) predaje se nepopunjen jer ne odgovara načinu poslovanja FERK-a. Kako propisuje član 19. Uredbe o računovodstvu budžeta sadržaj finansijskih izvještaja mora sadržavati tačan, istinit i pouzdan pregled prihoda i primitaka, rashoda i izdataka, kao i stanje imovine, obaveza i izvora sredstava, u nastavku ovih zabilješki daje se detaljna analiza podataka. Analize su rađene na osnovu propisanih popunjenih obrazaca te su navedena pojašnjenja koja se odnose na pojedine specifičnosti FERK-a kao institucije, kao i računovodstvene politike, a sve u cilju potpunijeg razumijevanja finansijskih podataka predstavljenih u računovodstvenim izvještajima. Također se vodilo računa o, poštivanju budžetskih principa tačnosti, uravnoteženosti, principu jedne godine, principu efikasnosti, ekonomičnosti i transparentnosti pri izradi istih.

Na VI redovnoj sjednici učestvovao sam u razmatranju i donošenju Odluke o utvrđivanju regulatornih naknada za elektroenergetske subjekte u 2016. godini. Ovom odlukom utvrđena je visina, način i dinamika plaćanja regulatorne naknade za 2016. godinu koju plaćaju svi elektroenergetski subjekti koji posjeduju dozvolu za rad za proizvodnju električne energije, dozvolu za rad za distribuciju električne energije, dozvolu za snabdijevanje električnom energijom - dozvolu I reda, dozvolu za snabdijevanje električnom energijom - dozvolu II reda i dozvolu za rad Operatoru za OIEiEK.

Na XI internom sastanku FERK-a aktivno sam učestvovao u razmatranju Izvještaja o radu FERK-a za 2015. godinu a na XV internom sastanku razmatrao sam i odlučivao o polugodišnjem obračunu FERK-a.

Učestvovao sam i učestvujem u raznim radnim grupama na državnom i entitetskom nivou.

- od 25.02.2015. godine bio sam član radne grupe za pripremu Izvještaja BiH o implementaciji Uredbe (EU) 347/2013 o smjernicama za transevropsku infrastrukturu (MOFTER) i aktivno sam učestvovao na sastancima na kojima su se razmatrali Izvještaji o administrativnim, pravnim i finansijskim preprekama za provedbu projekata od interesa Evropske zajednice (PECI) i projekata od interesa za Evropsku uniju (PCI) na teritoriji BiH;
- razmatranje raznih izvještaja i Nacrta urađenih od strane USAID-EIA – Investiranje u sektor energije;
- kontakt osoba sa kancelarijom Rokas i Partner iz Atine, koja je dio konzorcija zajedno sa holandskim centrom ECN, Tehničkim univerzitetom iz Beča i austrijskim istraživačkim centrom iz Grace – Joanneum Research na projektu izrade Studije o Akcionom planu za obnovljive izvore energije u državama članicama EZ, uključujući BiH;
- od 25.02.2016. godine član sam Radne grupe za identifikiranje i uklanjanje pravnih i drugih prepreka u investiranje u elektroenergetski sektor Federacije BiH (FMERI);
- od 11.06.2015. godine član radne grupe u projektu GIZ-a „Promoviranje obnovljive energije u BiH (ProRE)“ - Deutsche Gesellschaft für Internationale Zusammenarbeit (GIZ) koji traje od 01/2016 do 12/2018. godine
- od 08.08.2015. godine u radnoj grupi za definisanje okvirnog strateškog dokumenta u sektoru energije na nivou BiH i to Radna grupa za obnovljive izvore energije (MOFTER)
- član radne grupe \_ Podgrupa za balansiranje u sklopu projekta EIA Project USAID BiH

Isto tako aktivno sam učestvovao i učestvujem u radnim sastancima u organizaciji: Regionalnog udruženja energetskih regulatora (ERRA), Projekt izrade zakonodavnog okvira u oblasti električne energije u BiH u skladu sa pravnom stečevinom EU djelujući kroz program tehničke pomoći EK, Projekt USAID – Regionalno partnerstvo i Investiraneje u sektor energije te projektu GIZ-a – „Poticaj obnovljivih izvora energije u Bosni i Hercegovini“; MOFTER – Izrada zakonodavnog rješenja za implementaciju Trećeg energetskog paketa Evropske unije u BiH.

Vršilac dužnosti člana FERK-a sam od 22.01.2016. godine i na toj poziciji sam do današnjeg dana.

Zahvaljujem se!

S poštovanjem!

**Bešo Jasmin, dipl.ing.el.**

**v.d. člana FERK-a**

## CURRICULUM VITAE

*Ime i prezime:* Sanela Pokrajčić (rođ. Skoko)  
*Datum i mjesto rođenja:* 29. rujna 1967. godine, Mostar, Bosna i Hercegovina  
*Državljanstvo:* BiH  
*Nacionalnost:* Hrvatica  
*Spol:* ženski  
*Bračno stanje:* udana, troje djece  
*Kućna adresa:* Studenci bb, 88323 Studenci, Ljubuški  
*Telefon:* 063 347 319  
*E-mail:* [s.pokrajcic@ferk.ba](mailto:s.pokrajcic@ferk.ba)

### **Visokoškolsko obrazovanje:**

- 11. rujna 1997. godine, Univerzitet u Sarajevu, Elektrotehnički fakultet, diplomirani inženjer elektrotehnike

### **Profesionalno iskustvo:**

- **prosinac 2010. godine do sada:** Regulatorna komisija za energiju u Federaciji Bosne i Hercegovine – FERK, Rješenjem Vlade Federacije Bosne i Hercegovine broj 142/2016 od 22. siječnja 2016. godine (Službene novine Federacije BiH, broj 7/16) imenovana sam za vršitelja dužnosti člana Regulatorne komisije za energiju u Federaciji Bosne i Hercegovine iz reda hrvatskog naroda i Rješenjem Vlade Federacije Bosne i Hercegovine broj 983/10 od 14.12.2010. godine (Službene novine Federacije BiH, broj 87/10) privremeno sam imenovana za člana Regulatorne komisije za električnu energiju u Federaciji Bosne i Hercegovine iz reda hrvatskog naroda
- **kolovoz 2004. godine do prosinca 2010. godine:** Regulatorna komisija za električnu energiju u Federaciji Bosne i Hercegovine – FERK, radno mjesto Rukovoditelj Sektora za tarife, na kojem sam pored ostalog bila odgovorna i za:
  - razvijanje metodologije za tarife za distributivne i proizvodne kompanije sukladno Zakonu o električnoj energiji u Federaciji BiH, kompatibilne s metodologijama DERK-a
  - pregled troškova distributivnih i proizvodnih kompanija i dizajna tarifa, posebno verificirajući sve troškove koje regulirane kompanije iskazuju sukladno tarifnoj metodologiji
  - definiranje obima i načina prikupljanja relevantnih podataka za određivanje tarifa za distributivne i proizvodne kompanije
  - proces rasprava vezanih za zahtjeve i dopune za tarife za proizvodne i distributivne kompanije
  - pripremanje odluka koje odobravaju ili (ne odobravaju) tarife koje su zatražile regulirane kompanije
  - žalbene postupke po pitanju tarifa i suradnju s rukovoditeljem Sektora za pravne poslove vezano za žalbene postupke

- pripremanje plana otvaranja tržišta i sudjelovanje u koordinaciji s drugim komisijama u BiH po ovom pitanju
  - rješavanje bilo kojeg nesporazuma koji je nastao zbog tarifa
- **rujan 1998. godine do kolovoza 2004. godine: JP "Elektroprivreda Hrvatske zajednice Herceg Bosne" d.d. Mostar**
    - od 1. siječnja 2004. godine do 2. kolovoza 2004. godine - Rukovoditelj Službe za mjerenje u Direkciji za distribuciju električne energije. Na radnom mjestu bila sam odgovorna za:
      - rukovođenje službom za konzum i kontrolu rada županijskih službi
      - izradu energetske bilance potrošnje električne energije za distribuciju
      - analizu preuzimanja i potrošnje električne energije te poduzimanje mjera za smanjenje netehničkih gubitaka
      - tipizaciju i standardizaciju mjernih mjesta i uređaja za potrošače
      - izradu plana baždarenja brojila i kontrolu provedbe istih
      - prijedlog izmjena i dopuna Općih uvjeta isporuke električne energije i Tarifnog sustava za prodaju električne energije
    - od 2. travnja 2001. do 1. siječnja 2004. godine – Vodeći inženjer za obračun, analizu i statistiku u Direkciji za upravljanje EES-om i investicije – PIU. Radila sam na:
      - poslovima praćenja ostvarenja EE bilance
      - praćenju i analizi ostvarenih voznih redova
      - izradi kompenzacijskih programa i obračunu penala
      - prikupljanju podataka o proizvodnji, potrošnji i razmjeni električne energije
      - analizi prikupljenih podataka i statistički ih obrađivala
      - obračunu električne energije prema distribuciji i drugim elektroprivredama
    - rujan 1998. do 2. travnja 2001. godine – Referent za mjerenje i zaštitu u Direkciji za upravljanje EES-om. Radila sam na:
      - ispitivanju i udešenosti zaštita
      - proračunu parametara relevantnih za udešenje zaštita
      - ispitivanju ispravnosti te kontroli mjernih mjesta

### **Specijalističke djelatnosti:**

- Kreiranje i razvoj modela za utvrđivanje tarifa.
- Rad u grupi za otvaranje tržišta u Bosni i Hercegovini, formiranoj od predstavnika tri regulatorne komisije u Bosni i Hercegovini i REAP-a.
- Rad u Stručnom timu eksperata radi izrade prijedloga sistemskih rješenja, mjera i smjernica neophodnih za kreiranje i definiranje tarifne politike u elektroenergetskom sektoru u Federaciji Bosne i Hercegovine.
  - Kao rezultat rada u ovom timu (imenovanom od ministra Federalnog ministarstva energije, rudarstva i industrije dr. Izeta Žigića) izrađeni su prijedlozi teksta za sljedeće akte:

- Tarifni susustav za prodaju električne energije u Federaciji Bosne i Hercegovine,
- Tarifni stavovi za prodaju električne energije u Federaciji Bosne i Hercegovine,
- Odluka o utvrđivanju kriterija za status kvalificiranog kupca
- Rad u Radnoj grupi za formiranje pravila tržišta električne energije u Bosni i Hercegovini u organizaciji SEETEC-a,
- Rad u Stručnoj grupi za izradu dokumenata kojima će se regulirati odnosi elektroprivrednih poduzeća u Bosni i Hercegovini,
- Rad u Komisiji za praćenje primjene Sporazuma o praćenju odstupanja, kompenzacije i penaliziranja u razmjeni električne energije s HEP-om.

#### ***Dopunsko obrazovanje:***

- ERRA Training Course: Price Regulation & Tariffs, Budapest, Hungary 17.-20. ožujka 2008. godine
- Training program in Preparing for Transition from Temporary to Permanent Licenses and Protection of Customers during Market Opening, Mostar 12.-14. rujna 2006. godine
- Electricity Regulatory Training, 17.-24. listopada 2004. godine
- Tariff Methodology Training Course, Banja Luka, rujna 2004. godine
- Tečaj iz Planiranja proizvodnje, Trebinje 26. – 30. lipanj 2000. godine – Iberdrola Ingenieria Consultoria

#### ***Poznavanje stranih jezika:***

- Engleski jezik (aktivno znanje stečeno kroz osnovno, srednjoškolsko obrazovanje i na fakultetu, a unaprijeđivano kroz tečajeve engleskog jezika) - pohađala sam i uspješno apsolvirala niz obuka i seminara iz elektroenergetske djelatnosti na engleskom jeziku što se vidi iz priloženih certifikata

#### ***Dodatne vještine:***

- Izrazito dobro poznavanje prilika u elektroenergetskom sektoru
- Stečeno znanje i iskustvo iz oblasti ekonomije, prava i zaštite okoliša

#### ***Rad na računalu:***

- MS operativni sustavi, MS Office paketi, internet alati

#### ***Hobi:***

- Sviranje klavira
- Klapsko i zborsko pjevanje
- Rješavanje matematičkih problema

# Curriculum Vitae - CV

(u formatu prijavnog obrasca ADS BiH)

## Mile (Dušan) Srdanović

JMBG

1	0	1	2	9	5	6	1	0	0	3	9	
---	---	---	---	---	---	---	---	---	---	---	---	--

### Kontakt informacije kandidata

Telefon: \_\_\_\_\_  
Mobitel: 061 146 925  
Fax: \_\_\_\_\_  
E-mail: mile@srdanovic.com  
Adresa: Augusta Šenoa 1  
7 2 0 0 0 Zenica

### Konkurs na koji se prijavljujete

## JAVNI OGLAS ZA UTVRĐIVANJE PRIJEDLOGA JEDNOG KANDIDATA ZA ČLANA REGULATORNE KOMISIJE ZA ENERGIJU U FEDERACIJI BOSNE I HERCEGOVINE IZ REDA SRPSKOG NARODA

### Radna mjesta na koje se prijavljujete (označite sa , ili podebljajte ili zaokružite)

Navedite redom sva radna mjesta na koja se prijavljujete po gore navedenom konkursu. Ukoliko je u tekstu oglasa u dijelu *Napomene za sve kandidate* navedeno da će za konkurs biti formirano više komisija za izbor, i ukoliko se želite prijaviti na više radnih mjesta koja su u nadležnosti različitih komisija, treba da dostavite odvojene prijave sa potrebnom dokumentacijom za svaku komisiju za izbor, ili će se u protivnom Vaša prijava smatrati neurednom.

### Lični podaci kandidata

Ime (ime roditelja) prezime Mile (Dušan) Srdanović  
Datum i mjesto rođenja 10.12.1956. Vitez, BiH  
Djevojačko prezime \_\_\_\_\_  
Pol  Muški  Ženski

### Obrazovanje kandidata

1975 do 1980 Diplomirani mašinski inženjer  
Od godine do godine Univerzitet Sarajevo, Mašinski fakultet Zenica  
Navedite naziv visokoškolske ustanove, grad i državu  
Upišite zvanje kako je napisano na diplomi  
Navedite naziv visokoškolske ustanove, grad i državu

*Napomena: 2007 – 2009 sam pohađao post-diplomski studij na Mašinskom Fakultetu U Sarajevu (PDS „Dizajn proizvoda“). Položio sam skoro sve ispite i pripremio magistarski rad, ali sam, zbog korupcije i općenito devalvacije postdiplomskog studija, od svega odustao a magistarski rad pretočio u lako razumljivo štivo i objavio na internetu (M. Srdanović - „Virtualna stvarnost ili stvarna virtualnost“)!*

### Ispit profesionalne nadogradnje

Ako imate položen ispit profesionalne nadogradnje, naznačite koji (označite sa , ili podebljajte ili zaokružite).

NE, nemam ovaj ispit     DA, položen Javni ispit ili ispit opšteg znanja     DA, položen stručni upravni ispit     DA, položen pravosudni ispit

**Nacionalnost:**Ako želite, označite svoju nacionalnost (označite sa , ili podebljajte ili zaokružite): Bošnjak **Srbin** Hrvat Ostali Neopredjeljen**Radno iskustvo**

Od [dan|mjesec|godina]

Do [dan|mjesec|godina]

Ukupno [godina|mjeseci|dana]

August 2000.

do danas

5

1

Naziv i adresa poslodavca (institucija, preduzeće):

Broj podređenih:

**12) Institut za Mjeriteljstvo/Metrologiju Bosne i Hercegovine - IMBIH, Sarajevo, BiH**

~ 50

Naziv radnog mjesta:

Razlozi napuštanja posla:

**Zamjenik direktora**

Opis radnih zadataka:

Aktivnosti/odgovornost Zamjenika direktora su identične kao i za direktora. Institut za Mjeriteljstvo/Metrologiju Bosne i Hercegovine je nezavisna državna institucija i direktno odgovara Savjetu Ministara. IMBIH je nosilac nacionalnih mjeriteljskih standarda i odgovoran je za sljedivost mjerenja unutar države prema primarnim SI etalonima. Učlanjeni smo u sve međunarodne mjeriteljske organizacije (EURAMET, WELMEC, COOMET etc.) što čini znatan dio naših aktivnosti jer su obaveze proistekle iz tog članstva veoma zahtjevne. IMBIH je jedna od ključnih karika sistema nacionalne infrastrukture kvaliteta i igra veoma važnu ulogu u procesu EU integracija. Više o IMBIH na - [www.mef.gov.ba](http://www.mef.gov.ba)

Od [dan|mjesec|godina]

Do [dan|mjesec|godina]

Ukupno [godina|mjeseci|dana]

April 2009.

August 2000.

1

4

Naziv i adresa poslodavca (institucija, preduzeće):

Broj podređenih:

**11) Institut za Mjeriteljstvo/Metrologiju Bosne i Hercegovine - IMBIH, Sarajevo, BiH**

~ 50

Naziv radnog mjesta:

Razlozi napuštanja posla:

**Šef Odsjeka**

Opis radnih zadataka:

U Institut za Mjeriteljstvo BiH sam došao sam prvo na poziciju rukovodioca odsjeka odsjeka INDOK., a od septembra 2009. Postavljen na poz Šefa Odsjeka za imenovane laboratorije, nadzor i verifikaciju. Najviše sam ipak bio angažovan na INDOK poslovima, sa mojim dolaskom smo započeli sa projektom web stranice IMBIH kao i periodičnim izdavanjem biltena.

Prelazak na višu poziciju u istoj instituciji

Od [dan|mjesec|godina]

Do [dan|mjesec|godina]

Ukupno [godina|mjeseci|dana]

Mart 2007.

Mart 2009.

2

0

Naziv i adresa poslodavca (institucija, preduzeće):

Broj podređenih:

**10) Contour Global / SENCAP S.A. Athens (Greece)**

-

Naziv radnog mjesta:

\*(nije uvedeno u radnu knjizicu - dokazivo ugovorom)

**Regional Development Manager / Regionalni razvojni menadžer**

Opis radnih zadataka:

Naakon ostavke u Ministarstvu Energije ponuđen mi je angažman od strane velike međunarodne energetske kompanije - Contour Global (Sjedište u New York-u, sa regionalnim centrima diljem svijeta) koji mi je ponudila angažman na poziciji Regionalnog razvojnog menadžera. Pokrivao sam cio zapadni Balkan: Bosnu i Hercegovinu, Crnu Goru, Makedoniju, Srbiju i Kosovo, Hrvatsku i Albaniju, sa zadaćom identifikacije potencijalnih energetskih investicija. To je bilo vrijeme intenzivnih putovanja u regionu, prikupljanja podataka i njihove napredne obrade, koristeći najnaprednije softverske alate za analizu i modeliranje tržišta energije.

Razlozi napuštanja posla:

Povlačenje kompanije iz regiona

Osim svakodnevnih video konverencija sa kolegama na družim krajevima



svijeta (Washington, Kijev, Atena, London...) interesantno iskustvo je i naš lični rad na strateškim dokumentima a da se nikada nismo sreli uživo! Nažalost, zbog izuzetno nepovoljnih investicijskih okolnosti na Balkanu (korupcija!) Contour Global se povukao na druga svjetska područja. Na temelju ovog i prethodnog iskustva (Ministarstvo), intenzivnije sam se počeo baviti oblašću Energetske politike (pohađao i jednomjesečni seminar na tu temu u Japanu) te samoinicijativno poduzeo određene aktivnosti (učesće na energetske forumima, objavu članaka, intervjui itd.) kako bih objasnio razloge odsustva investicija u energetskom sektoru i pored velikih očekivanja i pompeznih najava. To traje i nakon izlaska iz poslova energetike, ali u statusu vanjskog saradnika Centra za obnovljivu energiju Mostar. Zajedno sa kolegama okupljenim u tom centru pokušavamo skrenuti pažnju lokalnim administracijama na svu pogubnost nesistemskog tretmana energetike, izbjegavanja međunarodnih pravila i transparentnih investicijskih procedura, zapostavljanja obnovljivih alternativnih izvora energije... Bez oslanjanja na nezavisne naučno-istraživačke institute gdje će se energetika tretirati stručno, kontinuirano i izvan političkih uticaja, mi smo osuđeni na improvizaciju koja odbija ozbiljne a pogoduje spornim investitorima.

Od [dan mjesec godina]	Do [dan mjesec godina]	Ukupno [godina mjeseci dana]	
august 2001.	mart 2007.	5	8

Naziv i adresa poslodavca (institucija, preduzeće):

**9) Ministarstvo Energije, Rudarstva i Industrije FBiH – FMERI, Sarajevo, BiH**

Broj podređenih:

12

Naziv radnog mjesta:

**Pomoćnik ministra za energiju**

Razlozi napuštanja posla:

*Podnio ostavku zbog neslaganja sa ministrom na projektu izgradnje novih EE objekata (kasnije sudski procesuirano)!*

Opis radnih zadataka:

Ova pozicija takođe znači – šef Sektora za Energiju koji uključuje odsjeke za Električnu energiju, Tečna goriva, Gas i daljinsko grijanje. Na toj poziciji sam se nalazio u periodu najintenzivnijih aktivnosti u oblasti energetike: priprema i donošenje energetske zakona i podzakonske legistative, post-ratna obnova energetske infrastrukture i reforme energetskog sektora u skladu sa EU direktivama i obavezama proisteklim iz članstva u regionalnim energetske asocijacijama i klauzulama potpisanih međunarodnih dokumenata iz ove oblasti. Iz toga je proisteklo intenzivno učesće u raznim tijelima, komisijama, ekspertnim timovima itd. Izuzetno intenzivna, odgovorna i zahtjevna dužnost u poslovima energetike na državnom nivou. Period intenzivne međunarodne komunikacije i kompleksnih aktivnosti unutar države. Ipak od svega bih izdvojio dokument koji je nastao na moju inicijativu, riječ je izjavi o međuentitetskoj saradnji u oblasti energetike. Ovaj dokument su potpisali entitetski resorni ministri i on predstavlja najviši dometi međuentitetske saradnje. Nažalost, sve je kasnije krenulo u drugom smjeru.

Od [dan mjesec godina]	Do [dan mjesec godina]	Ukupno [godina mjeseci dana]	
februar 1999.	august 2001.	1	6

Naziv i adresa poslodavca (institucija, preduzeće):

**8) "Forma" d.o.o. / "Zenica 2000" d.o.o. Zenica / Tush d.o.o, Vitez**

Broj podređenih:

0 ~10

Naziv radnog mjesta:

**Privatno poduzetništvo (konsultant, direktor, vlasnik...)**

*(dijelom uvedeno u radnu knjizicu, a jednim dijelom se preklapa sa prethodnim angažmanima u nevladinom sektoru)*

Opis radnih zadataka:

Nakon svojevoljnog napuštanja međunarodnih organizacija želio sam se vratiti domaćem okruženju i pokušati pokrenuti neki privatni biznis. Ispočetka je to bilo u formi konsultanta (Forma d.o.o.) potom sam se prihvatio porude grupe poduzetnika iz Viteza kao direktor firme u osnivanju (Tush d.o.o.) pokrenem Joint Venture sa Italijanskom kompanijom u proizvodnji kupaoničke opreme (strani partner se povukao), da bih na kraju pokušao i potpuno vlastiti biznis (Zenica 2000 d.o.o. – marketing). Iako nisam u tome uspio, ovo iskustvo je bilo itekako korisno jer mi je nakon višegodišnjeg angažmana u međunarodnim organizacijama ovo bio povratak u domaću privrednu stvarnost.

Razlozi napuštanja posla:

*Općenito nepogodne okolnosti za pokretanje privatnog biznisa*

Od [dan mjesec godina]	Do [dan mjesec godina]	Ukupno [godina mjeseci dana]	
------------------------	------------------------	------------------------------	--

juni 1998.		decembar 1999.		1	6	
------------	--	----------------	--	---	---	--

Naziv i adresa poslodavca (institucija, preduzeće):

**7) International Management Group Sarajevo – IMG (Capacity Building Project / Projekt jačanja kapaciteta), Sarajevo, BiH**

Naziv radnog mjesta:

**Project coordinator**

Opis radnih zadataka:

Nakon kratkotrajnog obavljanja pozicije "oficira za vezu" između IMG CBP Projekta i ministarstva za obnovu na Kantonima 4 i 6 (ZDK i SBK) unaprijeđen sam na poziciju CBP koordinatora za Federaciju BiH. Zadatak mi je bio unifikacija metoda i procedura na svim kantonima u smislu kreiranja baza podataka sa potencijalnim infrastrukturnim projektima te njihovo mapiranje i prezentacija potencijalnim implemntirajućim organizacijama kojih je u to vrijeme bio značajan broj. Tad smo formirali na svim kantonima CBP urede u kojima su se trenutno mogle dobiti informacije o prioritetnim potrebama i informacije o projektima u toku čime su se izbjegla dupliranja što je ranije bio čest slučaj. U ovoj fazi sam se intenzivno bavio upravljanjem bazama podataka i edukacijom lokalnog osoblja na kompleksnom GIS softveru (MapInfo). Period čestih putovanja unutar FBiH i posredovanja između kantonalnih ministarstava i regionalnih OHR ureda (RRTF).

Broj podređenih:

- 5

*\*(nije uvedeno u radnu knjizicu – dokazivo ugovorom)*

Razlozi napuštanja posla:

Završetak Projekta

Od [dan mjesec godina]	Do [dan mjesec godina]	Ukupno [godina mjeseci dana]
mart 1994.	juni 1998.	4   3

Naziv i adresa poslodavca (institucija, preduzeće):

**6) DRC (Danish Refugee Council) / Dansko vijeće za izbjeglice, Ured u Zenici, BiH**

Naziv radnog mjesta:

**Infrastructure Project Engineer – Projekt inženjer za infrastrukturu**

Opis radnih zadataka:

IT poslovi - pokrivanje i održavanje kompjuterske opreme u uredu i terenski rad u poslovima infrastrukturnog karaktera. To je bio period rane kompjuterizacije uredskog poslovanja globalno i naš ured, bez obzira na ratne okolnosti, u tome nije nimalo zaostajao. Razvio sam namjenski softver za brzi izračun građevinskih troškova na temelju specifikacija materijala (Q-type) što nam je u okolnostima velikog broja porušenih objekata znatno ubrzalo proceduru defekataže i trenutnog izračuna troškova. Ovaj alat, mada kreiran samo za potrebe našeg ureda, je potom uveden i u sve druge DRC projekte, što mi je stvorilo obavezu još uvijek rizičnog putovanja u područne urede, instalaciju softvera i edukaciju lokalnog osoblja.

Broj podređenih:

-

*\*(nije uvedeno u radnu knjizicu – dokazivo ugovorom)*

Razlozi napuštanja posla:

Prelazak u drugi NGO

Od [dan mjesec godina]	Do [dan mjesec godina]	Ukupno [godina mjeseci dana]
nov. 1993.	mart 1994. (ratni period!)	0   10

Naziv i adresa poslodavca (institucija, preduzeće):

**5) ODA - Overseas Development Agency / Britanska agencija za prekomorski razvoj, ured u Zenici, BiH**

Naziv radnog mjesta:

**Technical Assistant / Tehnički asistent**

Opis radnih zadataka:

S obzirom na prijeratno iskustvo (rudarstvo) angažiran sam od strane IMCL tima za podršku srednjobosanskim rudnicima u ratnim okolnostima, na projektu pomoći održavanju proizvodnje uglja i pokretanja termoelektrane u Kaknju. Ovome je prethodila moja demobilizacija na zahtjev posloводства Rudnika, koje je prepoznalo svoj interes da se angažujem na ovom projektu. Ja sam se doista potrudio da ih u tome ne iznevjerim i više sam bio posrednik nego asistent jedne strane. Neskromno mislim da je takva moja uloga znatno doprinijela da u nemogućim uvjetima napravimo veliki posao a meni lično je to dalo rijetku priliku da se i u ratnim okolnostima bavim svojim zanimanjem.

Broj podređenih:

-

*\*(nije uvedeno u radnu knjizicu – dokazivo ugovorom)*

Razlozi napuštanja posla:

Prelazak u drugi NGO

Od [dan mjesec godina]	Do [dan mjesec godina]	Ukupno [godina mjeseci dana]
------------------------	------------------------	------------------------------

maj 1992.		maj 1993. (ratni period!)		0	0
-----------	--	---------------------------	--	---	---

Naziv i adresa poslodavca (institucija, preduzeće).

(ovaj period je pokriven stažom pod 3.)

**4) ARBiH - Press Centar, Zenica, BiH**

Naziv radnog mjesta:

**Grafički urednik**

Opis radnih zadataka:

*Uprkos ratnim okolnostima ovo je bio period mog najintenzivnijeg rada na kompjuteru! Riječ je o DTP-u (koji je tada tek postajao izdavački alat) odnosno kompjuterskoj pripremi publikacija za štampu. To je kasnije, formiranjem Trećeg korpusa ARBiH, preraslo u formacijsku vojnu obavezu tako da imam godinu dana upisanog vojnog staža. Ovaj moj angažman je ponajviše proistekao iz pobjede na međunarodnom natječaju za vizuelni identitet tada osnovane RTVBiH, na koji sam uspio poslati svoj rad uprkos blokadi Sarajeva! Nakon ove epizode kompjuterska grafika / grafički dizajn je postao samo moja "vojna obaveza" već jedna alternativna okupacija koja se nastavila i nakon okončanja rata. To je postao moj trajni i intenzivan hobi kojim se bavim i nakon povratka u struku.*

Broj podređenih:

2

Razlozi napuštanja posla:

*Gašenje časopisa, demobilizacija*

Od [dan|mjesec|godina]

Do [dan|mjesec|godina]

Ukupno [godina|mjeseci|dana]

Feb. 1991.

nov. 1993.

2

9

Naziv i adresa poslodavca (institucija, preduzeće):

(izuzeto vrijeme provedeno u 4.)

**3) PRIM - "Proizvodnja, remont i montaža" RMU Zenica, Zenica, BiH**

Naziv radnog mjesta:

**Konstruktor - Inženjer za razvoj**

Opis radnih zadataka:

*Nakon višegodišnjeg rada u direktnoj proizvodnji skrasio sam se u konstrukcionom birou preduzeća koje se nalazilo u sklopu RMU Zenica- PRIM, gdje se vršio remont i proizvodnju opreme za rudnike. Započeli smo tada i veoma smion i obećavajući projekt razvoja vlastite opreme ne ograničavajući se samo na rudarsku opremu. Bio sam dio razvojnog tipa koji je po prvi put projektovao i realizirao mnoge domaće uređaje koji su zamijenili skupe uvozne. Veoma obećavajuću priču su prekinula ratna dešavanja 1992.*

Broj podređenih:

~ 5

Razlozi napuštanja posla:

*Ratne okolnosti*

Od [dan|mjesec|godina]

Do [dan|mjesec|godina]

Ukupno [godina|mjeseci|dana]

Juni 1983.

Feb. 1991.

7

10

Naziv i adresa poslodavca (institucija, preduzeće):

Broj podređenih:

~ 30

**2) Rudnici Mrkog uglja - RMU Zenica, Zenica, BiH**

Naziv radnog mjesta:

**Stariji mašinski inženjer, inženjer za hidrauliku, Upravnik mašinske službe**

Opis radnih zadataka:

*Odmah nakon velike rudarske nesreće u jami Raspotočje učinio sam potez koji je bilo teško shvatiti. Laboratorijsku atmosferu Instituta i fakulteta sam zamjenio rudarskom jamom! I to baš na jami Raspotočje! Taj radikalni potez nije bio bez razloga. Osjećao sam potrebu i obavezu da se, kao mlad inženjer, prihvatim "pravog posla". Zbog specifičnih zahtjeva naknadno sam polagao drugi smjer na Mašinskom fakultetu (mašinstvo u rudarstvu) ali uprkos svemu mislim da sam napravio dobar potez jer je odmah nakon nesreće na tom rudniku pokrenuta velika investija - uvođenje najmodernije hidraulične opreme što je u to vrijeme predstavljalo sami vrh mašinogradnje. Taj posao je bio zaista naporan (intenzivni silasci u jami) ali ujedno i veoma izazovan jer se radilo o vrhunskom mašinstvu - moćnim hidrauličnim mašinama njemačkog porijekla. Dobio sam zvanje inženjer za hidrauliku i ubrzo postao glavna veza sa njemačkim ekspertima koji su radili na montaži i obuci domaćih rukovalaca opremom. To je bio i period intenzivnog korištenja njemačkog jezika. Preveo sam sa njemačkog svu tehničku dokumentaciju. 1987. godine sam položio stručni rudarski ispit, a 1986. preuzeo dužnost upravnika održavanja, bio mentor na nekoliko diplomskih radova iz oblasti rudarske mašinogradnje, objavio nekoliko stručnih članaka u internom rudarskom časopisu itd.*

Razlozi napuštanja posla:

*Prelazak na projektantske poslove unutar iste korporacije*

Od [dan|mjesec|godina]

Do [dan|mjesec|godina]

Ukupno [godina|mjeseci|dana]

Januar 1981.		maj 1983.	uklj. vojni rok	1	4
--------------	--	-----------	-----------------	---	---

Naziv i adresa poslodavca (institucija, preduzeće).

1) Metalurški Institut Hasan Brkić Zenica / Mašinski fakultet Zenica, Zenica, BiH

Broj podređenih:

~ 2

(vojni rok nije uključen - 1 god.)

Naziv radnog mjesta:

Mlađi istraživač - vanredni asistent na fakultetu

Razlozi napuštanja posla:

Odlazak na izazovniji posao radi sticanja prakse

Opis radnih zadataka:

Prvi angažman nakon završetka studija je bio na Metalurškom institutu čiji sam bio stipendista. Odmah sam bio uključen u interesantan razvojni projekt ali je taj angažman bio prekinut jednogodišnjom vojnom obavezom. Riječ je dakle o efektivnom dvogodišnjem angažmanu ali je u svakom slučaju bitan i koristan prije svega zbog istovremenog rada na institutu i na fakultetu. Na fakultetu sam bio asistent na predmetima Tehničko crtanje, Nacrtna geometrija i Mehanika.

#### UKUPNO RADNO ISKUSTVO NAKON STICANJA VSS

Prema ovom spisku  
(zaokruženo na mjesec)

35	5	
Format: Godina   Mjeseci   Dana		

Prema stanju u Radnoj knjižici

27	5	14
Format: Godina   Mjeseci   Dana		

#### Napomena:

Prema navedenoj biografiji skoro svo vrijeme nakon diplomiranja sam obavljao poslove u struci - bez prekida! To je zaista tačno mada jedan dio tih poslova nije uveden u radnu knjižicu (međunarodne organizacije i kompanije) što čini gornju razliku. Za svaki od tih angažmana postoji napomena u popunjenom obrascu i oni su dokazivi Ugovorima koje mogu dati na uvid ako se zahtjeva. Međutim, za ovu prijavu to nije neophodno pošto i upisani staž i u Radnoj knjižici, potvrđen posebno izdatim Uvjerenjem (u prilogu) daleko premašuje tražene uvjete postavljene konkursom.

### Strani jezici

Obilježite oznakom X odgovarajuća polja

JEZIK	Govor			Čitanje			Pisanje		
	Vrlo dobro	Dobro	Slabo	Vrlo dobro	Dobro	Slabo	Vrlo dobro	Dobro	Slabo
Engleski	x			x			x		
Njemački		x		x				x	

**Vrlo dobro:** temeljno korištenje jezika gdje se od zaposlenika očekuje da u radnim procesima samostalno koristi jezik, priprema različitu dokumentaciju, korekturu, izvještaje, komunikacija, izvještaji, radni papiri, itd. i da aktivno učestvuje u sastancima i diskusijama vezanim za radne obaveze.

**Dobro:** dobro poznavanje jezika gdje se od zaposlenika očekuje da prati diskusije vezane za radne obaveze, odnosno prati sastanke pri kojima smatra prikladnim da interwenira na materijem jeziku, učestvovanje u jednostavnijim komunikacijama, komuniciranje putem telefona, da čita i razumije tekstove vezane za njegove radne obaveze, i da piše jednostavnije tekstove.

**Slabo:** slabo ili površno poznavanje jezika gdje zaposlenik razumije i čita jednostavnije tekstove.

### Služenje računarom

- Office paket  Word |  Excel |  Powerpoint | Ostalo
- Internet i e-mail  Internet Explorer |  Outlook |  Outlook Express | Ostalo.
- Ostali alati i znanja  PDF Reader |  ZIP |  Skeniranje | Ostalo **nadprosječno IT umjeće** (obavljao i dužnosti **IT eksperta** i **instruktora**), osim uobičajenog Office softvera posebno sam obučen za grafički 2D i 3D softver

### Izjava

- Izjava o ispunjavanju traženih kriterija/uslova prema konkretnom konkursu je priložena na posebnom dokumentu

Datum prijave

1. 1. 2012.

Format: dan / mjesec / godina

Potpis kandidata

[Potpis]